

**CARLOS JAVIER FERNÁNDEZ FERNÁNDEZ, SECRETARIO-INTERVENTOR DO
CONCELLO DE TOÉN (OURENSE)**

CERTIFICO:

Que a Xunta de Goberno local do Concello de Toén (Ourense), na sesión que tivo lugar o día 09.04.2021 adoptou, entre outros, o acordo que de seguido se transcribe na súa literalidade, a reserva do que resulte da aprobación da acta correspondente:

“

6.1.- Bases reguladoras e convocatoria que rexerá a concesión de axudas para transporte escolar para o curso 2020/2021 (Exp. 128/2021)

O alcalde dálles conta aos membros da Xunta de Goberno Local das bases elaboradas para rexer a concesión de axudas para o transporte escolar para o curso 2020-2021, en réxime de concorrencia competitiva de conformidade co establecido na Lei 38/2003, do 17 de novembro, xeral de subvencións; e na Ordenanza municipal reguladora da concesión de subvencións do Concello de Toén publicada no BOP nº 19, de data 25/01/2005.

Tras o exame das bases, a Xunta de Goberno Local, co voto favorable de todos os seus membros e en uso das atribucións delegadas pola Alcaldía mediante decreto de data 16.06.2020 (BOP núm. 151 do 03.07.2020), ACORDA:

1.- Aprobar as bases reguladoras da convocatoria pública para a concesión de axudas para transporte escolar para o curso 2020-2021 do Concello de Toén, que se unen como anexo ao presente acordo.

2.- Ordenar a publicación das bases no Boletín Oficial da Provincia para o seu xeral coñecemento e efectos, así como na sede electrónica municipal (<http://concellodetoen.sedelectronica.es>).

3.- Aprobar a convocatoria pública de axudas para transporte escolar para o curso 2020-2021 do Concello de Toén e remitirle á Base de Datos Nacional de Subvencións (BDNS) un extracto da convocatoria para a súa publicación no BOP de Ourense

4.- Aprobar o gasto correspondente á convocatoria polo importe máximo de 1.500,00 €, con cargo á aplicación 320.48 do estado de gastos do orzamento municipal do exercicio 2021.

5.- Contra este acordo, que pon fin á vía administrativa, poderase interpoñer alternativamente recurso de reposición potestativo ante o mesmo órgano que ditou o acto, no prazo dun mes a contar desde o día seguinte ao da recepción da notificación, de conformidade cos artigos 123 e 124 da Lei 39/2015, de 1 de outubro, do procedemento administrativo común das Administracións Públicas; ou ben interpoñer directamente recurso contencioso-administrativo, ante o Xulgado do Contencioso-Administrativo de Ourense, no prazo de dous meses, a contar desde o día seguinte ao da recepción da notificación, de conformidade co artigo 46 da Lei 29/1998, de 13 de xullo, da Xurisdición Contencioso-Administrativa. Se optase por interpor o recurso de reposición potestativo non poderá interpor recurso contencioso-administrativo ata que aquel sexa resolto expresamente ou se produza a súa desestimación por silencio. Todo iso sen

Concello de Toén



prexuízo de que se poida interpoñer calquera outro recurso ou acción que se estime procedente.

ANEXO

BASES REGULADORAS DA CONCESIÓN DE AXUDAS PARA TRANSPORTE ESCOLAR PARA O CURSO 2020-2021 (EXP. 128/2021)

As presentes bases reguladoras da convocatoria de axudas para transporte escolar fanse ao abeiro da Lei 38/2003, do 17 de novembro, xeral de subvencións, e da Ordenanza municipal reguladora publicada no BOP nº 19, de data 25/01/2005.

Primeira.- Finalidade e réxime das axudas

1. A finalidade é fixar as bases reguladoras para o curso 2020-2021 das axudas e subvencións para transporte escolar que concede o Concello de Toén.
2. A concesión destas axudas realízase mediante o réxime de concorrencia competitiva segundo os criterios que se establecen.

Segunda.- Financiamento

Para a concesión das axudas convocadas destínase a cantidade de 1.500,00 €, que se financiará con cargo á aplicación 330.48 do estado de gastos do orzamento municipal do exercicio 2021.

Terceira.- Contía das axudas

As contías das axudas estarán en función do número de solicitudes presentadas que cumpran os requisitos da presente convocatoria.

Cuarta.- Persoas beneficiarias

Serán persoas beneficiarias os/as estudantes que reúnan os seguintes requisitos:

- Residir e estar empadroadado/a no Concello de Toén (comprobarase de oficio polo órgano instructor do procedemento)
- Non ter cumpridos os 26 anos no ano 2020
- Estar matriculado/a no curso académico 2020-2021, cun mínimo do 50% das materias correspondentes, nos seguintes estudos en centros da cidade de Ourense ou da provincia:
 - a) Bacharelato
 - b) Ciclos formativos de grao medio e superior
 - c) Estudos de grao que se impartan no Campus da Universidade de Vigo en Ourense

Quinta.- Documentación

Para solicitar esta axuda terá que achegarse a seguinte documentación:

- A solicitude, segundo o modelo de instancia normalizado (anexo I), debidamente cuberta e asinada pola persoa solicitante (no caso de ser menor de idade deberá asinala tamén o pai, nai ou titor/a).
- Certificado do centro onde o/a alumno/a realiza estudos, facendo constancia do curso no que está matriculado e de estar matriculado como mínimo do 50% das materias correspondentes.
- Fotocopia do DNI do/a solicitante e, no suposto de ser menor de idade, do seu pai, nai ou titor/a.
- Certificación de titularidade de conta bancaria da que sexa titular o/a solicitante ou, no caso de ser menor, do seu representante legal.
- Declaración responsable de que cumpre cos requisitos para acceder a estas axudas establecidos nas bases da convocatoria.
- Declaración responsable de atoparse ao corrente no cumprimento das obrigas tributarias coa Facenda estatal, autonómica e local, e coa Seguridade Social.
- Declaración responsable de non incorrer en ningunha das causas que impiden obter a condición de beneficiario segundo o artigo 13.2 da Lei 38/2003, do 17 de novembro, xeral de subvencións.
- Declaración responsable de que se compromete a cumprir as obrigas que para as persoas preceptoras de axudas e subvencións establece o artigo 14 da dita Lei 38/2003, do 17 de novembro, xeral de subvencións.
- Declaración responsable de non ter solicitado nin obtido ningunha outra subvención, axuda, ingreso ou recurso para a mesma finalidade, procedente de calquera administración ou ente público ou privado que resulte incompatible coa presente axuda.



- Declaración responsable na que se exprese o compromiso de aplicar o importe da axuda á finalidade para a que pretende a subvención.

Sexta.- Lugar e prazo

1. As solicitudes presentaranse no rexistro xeral do Concello de Toén ou a través de calquera outro medio dos previstos no artigo 16.4 da Lei 39/2015, do 1 de outubro, do procedemento administrativo común das administracións públicas.
2. Os modelos oficiais serán publicados na sede electrónica municipal (<http://concellodetoen.sedelectronica.es>).
3. O prazo para a presentación das solicitudes será de 1 mes, contado a partir do día seguinte ao da publicación do extracto da convocatoria no Boletín oficial da provincia de Ourense.

Sétima.- Órgano de instrución

A competencia de instrución do procedemento de concesión corresponderalle á traballadora social do Concello. Realizaranse de oficio cantas actuacións se estimen necesarias para a determinación, coñecemento e comprobación dos datos en virtude dos cales se debe formular a proposta de resolución.

Oitava.- Órgano competente para resolver e publicidade da concesión

Unha vez avaliadas as solicitudes polo órgano instrutor este elevará informe á Alcaldía, quen formulará proposta de resolución que se someterá á Xunta de Goberno Local, como órgano competente para resolver. A resolución ditarase no prazo máximo de un mes dende a data de remate do prazo para a presentación de solicitudes.

O acordo de outorgamento será obxecto de publicación na sede electrónica municipal (<http://concellodetoen.sedelectronica.es>) e na Base de Datos Nacional de Subvencións (<http://www.infosubvenciones.es>), con expresión dos/as beneficiarios/as e da contía das subvencións concedidas.

Novena.- Xustificación e pagamento

1. Procederáse ao pagamento da subvención concedida unha vez que as persoas beneficiarias xustifiquen debidamente o importe da subvención concedida.
2. A data límite será o día 30/11/2021.
3. A estes efectos terá que achegarse a seguinte documentación, segundo o modelo normalizado (anexo II), debidamente cuberta e asinada pola persoa solicitante (no caso de ser menor de idade deberá asinala tamén o pai, nai ou titor/a):
 - Declaración formal de todas as subvencións, axudas ou ingresos solicitados e/ou concedidos para a mesma finalidade procedente de calquera administración ou ente público ou privado.
 - Declaración na que se sinala que a axuda percibida foi destinada na súa integridade a sufragar os gastos derivados do transporte dende o núcleo de residencia ao centro onde realiza os estudos.
 - Declaración xustificativa de estar ao corrente das súas obrigas tributarias (Axencia Tributaria Estatal e Autonómica) e coa Seguridade Social.

Décima.- Criterios de valoración

A axuda concederáselle a todas as persoas solicitantes que cumpran os requisitos mencionados na presente convocatoria, procedéndose á distribución de xeito proporcional ó crédito orzamentario dispoñible. Para o cálculo da axuda atenderase a dous criterios, o custo diario de ida e volta do transporte público regular e o número de días lectivos do curso, conforme ós seguintes datos:

- O custo de ida e volta do transporte regular dende os núcleos do Concello de Toén ata Ourense é de 3,00 €/día
- Segundo a Orde da Consellería de Educación, Universidade e Formación Profesional do 25 de xuño de 2020 (DOG núm. 136 do 9 de xullo de 2020), estímase que o número de días lectivos do curso 2020-2021 é de 172.

Disposición final

En todo o non especificado nestas bases aterase ao disposto na Lei 38/2003, do 17 de novembro, xeral de subvencións; na Lei 9/2007, do 13 de xuño, de subvencións de Galicia; e na Ordenanza reguladora da concesión de subvencións do Concello de Toén. Tamén se aplicará a lexislación vixente en materia de réxime xurídico das administracións públicas e do procedemento administrativo

ANEXO II (xustificación)

**DECLARACIÓN RESPONSABLE PARA A XUSTIFICACIÓN DA AXUDA PARA TRANSPORTE ESCOLAR
CURSO 2020-2021 (EXP. 128/2021)**

A.- DATOS PERSOAIS DO/A ALUMNO/A

1º APELIDO:
DNI:
ENDEREZO:

2º APELIDO:
DATA DE NACEMENTO:

NOME:
TELÉFONO:
CORREO ELECTRÓNICO:

**B.- DATOS DA PERSOA REPRESENTANTE LEGAL (PAI-NAI-TUTOR/A) NO CASO DE MENORES DE
IDADE**

1º APELIDO:
DNI:
ENDEREZO:

2º APELIDO:
TELÉFONO:
CORREO ELECTRÓNICO:

NOME:

C.- DECLARACIÓN RESPONSABLE

DECLARO BAIXO A MIÑA RESPONSABILIDADE, como persoa beneficiaria da axuda para transporte escolar curso 2020-2021:

- Que a axuda concedida foi destinada na súa integridade a sufragar os gastos derivados do transporte dende o domicilio ata o centro onde realiza estudos.
- Que me atopo ao corrente no cumprimento das obrigas tributarias coa Facenda estatal, autonómica e local, e coa Seguridade Social.
- Que teño solicitadas e/ou concedidas as seguintes subvencións, axudas ou ingresos para a mesma finalidade procedente de calquera administración ou ente público ou privado (riscar o que proceda):
 - o Non
 - o Si (completar):
 - Organismo ou entidade concedente: _____
 - Data de concesión: _____
 - Contía: _____

Toén, ___ de _____ de 2021

Sinatura do/a alumno/a solicitante

Sinatura do pai/nai/titor (no caso de ser menor de idade)

Asdo. _____

Asdo.: _____

SR. ALCALDE DO CONCELLO DE TOÉN

O alcalde

(Documento asinado electronicamente na marxe)

Información básica sobre protección de datos

Normativa: Regulamento (UE) 2016/679 do Parlamento Europeo (RGPD) / Lei Orgánica 3/2018, de protección de datos persoais e garantía dos dereitos dixitais.

Responsable: CONCELLO DE TOÉN

Finalidade: Xestión e tratamento de datos persoais das persoas solicitantes da axuda 'Transporte escolar curso 2020-2021'.

Lexitimación: O cumprimento dunha misión realizada en interese público ou no exercicio de poderes públicos conferidos á persoa responsable do tratamento *RGPD art.6.1 e*) e o consentimento da persoa interesada *RGPD art.6.1 a*).

Persoas destinatarias: Non se producirán comunicacións de datos a terceiros/as, salvo por obrigações legais. En determinados casos poderán ser publicados os datos persoais nos termos previstos na lexislación vixente, a través do Sistema Nacional de Publicidade de Subvencións, a fin de dar a publicidade legalmente esixida.

Dereitos: Poderá exercer os dereitos de acceso, rectificación, supresión e portabilidade dos seus datos, e a limitación ou oposición ao seu tratamento, a retirar o consentimento prestado e a reclamar ante a Autoridade de Control, tal como se indica na información adicional.

Información adicional: Toda a información facilitada poderá obtela ampliada en www.toen.es.

.....”

**E para que conste e produza os efectos oportunos, expido a presente
certificación por orde e co visto e prace do alcalde.**

(Documento asinado electronicamente na marxe)

Concello de Toén

